

## ԿԱՐԾԻՔ

ԻԳ.00.02 - «Քաղաքական ինստիտուտներ և գործընթացներ» մասնագիտությամբ քաղաքական գիտությունների թեկնածուի գիտական աստիճանը հայցող Վիոլետտա Մերգեյի Մանուկյանի «Հետխորհրդային տարածքի չճանաչված պետությունների կայացման առանձնահատկություններն ու հեռանկարները» թեմայով ատենախոսության վերաբերյալ

Ներկայումս Արցախի հանդեպ ասնձահարված լայնածավալ ագրեսիան և օգտագործվող զարհուրելի մեթոդներն ու միջոցները ևս մեկ անգամ ապացուցում են չճանաչված պետությունների հանդեպ միջազգային հանրության անուշադրության զարհուրելի հետևանքները: Ինչպես ցույց է տալիս միջազգային փորձը, անուշադրության մատնված և միջազգային համագործակցությունից ու աջակցությունից զրկված այս չճանաչված պետություններում ժամանակ առ ժամանակ պոռթկում է ռազմական լայնածավալ ագրեսիայի բոթը, ընդ որում, յուրաքանչյուր հաջորդ անգամ ունենալով ավելի ծարհուրելի ընթացք և հետևանքներ:

Այս համատեքստում Վ. Մանուկյանի «Հետխորհրդային տարածքի չճանաչված պետությունների կայացման առանձնահատկություններն ու հեռանկարները» թեկնածուական ատենախոսության թեման և դրանում բարձրացված հիմնախնդիրներն արդիական են և շատ կարևոր, քանի որ հեղինակը ոչ միայն ներկայացնում է տվյալ պետությունների կայացման գնահատումն իր մշակած ինտեգրալ ցուցիչի միջոցով, այլև վերհանում առանցքային խնդիրները և միջազգային հանրության կողմից տվյալ խնդիրների լուծման աջակցության հնարավորությունները:

Այսպիսով, պետության կայացածության գնահատման գիտական գործիքների լրամշակման և կատարելագործման խնդիրն արդիական է հատկապես հայ ժողովրդի և հայկական երկու հանրապետությունների համար: Սույն թեկնածութեան ատենախոսության շրջանակներում Արցախի Հանրապետության կայացածության

գնահատումը, ինչպես նաև համեմատությունը հետխորհրդային տարածքի մյուս չճանաչված պետությունների հետ, առանցքային նշանակություն ունի, ինչպես նաև կարող է դառնալ հակամարտության կարգավորման իրական գործոն՝ միջազգային հանրությանը ներկայացնելով ԱՀ կայացածության մակարդակը որպես անկախ և ինքնիշխան պետության արդյունավետ գործունեության հավաստիք:

Վ. Մանուկյանի թեկնածուական ատենախոսությունը համակարգված ուսումնասիրություն է, որում քանակական և որակական հետազոտության մեթոդների, քաղաքական վերլուծության և կանխատեսման, ինչպես նաև համեմատական քաղաքագիտության մեթոդների հիման վրա վերլուծված են պետության կայացածության գնահատման հնորավորությունները և հետխորհրդային տարածքի չճանաչված պետությունների կայացման առանձնահատկություններն ու հեռանկարները: Հեղինակին հաջողվել է ներկայացնել ամփոփ վերլուծական աշխատանք՝ առաջարկելով սեփական մոտեցումներն ու գաղափարները: Ատենախոսությունը կոնկրետ թեմատիկ նշանակության և մշակվածության աստիճանով արդիական է ու անհրաժեշտ:

Աշխատանքը բաղկացած է ներածությունից, չորս գլխից, եզրակացությունից և օգտագործված գրականության ցանկից: Ներածության մեջ հիմնավորված է թեմայի արդիականությունը, վերլուծված է դրա տեսական և գործնական նշանակությունը, հիմնական նպատակներն ու խնդիրները, աղբյուրների բնութագիրը, թեմայի գիտական մշակվածության աստիճանը: Փաստարկված և հիմնավորված է թեկնածուական ատենախոսության գիտական նորույթը: Ատենախոսությունում ներկայացված են նաև աշխատանքի մեթոդաբանական հիմքերը, փաստարկված են ատենախոսության հիմնական դրույթները:

Ատենախոսության առաջին գլխում՝ «Պետության կայացածության հատկանիշները և գնահատման մեթոդները» հանգամանալից ուսումնասիրված են պետության կայացման հիմնական մոտեցումները և սահմանումները: Նմանօրինակ մոտեցման շնորհիվ՝ հեղինակը բացահայտել է «պետության կայացում»



հասկացության սահմանման հիմնական մարտահրավերները և տարբերությունները՝ աշխատանքի վերջին կառուցամասում առաջարկվելով այդ հասկացության համընդհանուր սահմանում: Այս առումով կարևոր է հեղինակի դիտարկումն առ այն, որ թեև «պետության կայացում» հասկացության գնահատման հայեցակարգեր ու մոդելներն սկսել են մշակվել դեռևս անցած դարի 60-ականներից, դրանք դեռևս լրամշակվում ու կատարելագործվում են: Հետևապես, սովյալ թեմայի ուսումնասիրությունը կարևոր է սույն գիտական ուղղության բացահայտման և լրամշակման համար, քանի որ պետության կայացածության գնահատումը և մարտահրավերների վերհանումը թույլ է տալիս գտնել առավել արդյունավետ լուծման տարբերակներ: Ըստ այդմ՝ հատկանշական է հեղինակի կատարած հսկայական աշխատանքը նախ «պետության կայացում» հասկացության շուրջ մոտեցումների բազմազանության հինգ հիմնական խմբի բաժանման և համակարգված ներկայացման, այնուհետև պետության կայացածության գնահատման մոդելների դասակարգման՝ բաժանելով դրանք առանձին ոլորտների գնահատման ինդեքսների և ինտեգրալ ինդեքսների: Հեղինակը ներկայացրել է նաև գոյություն ունեցող մի շարք թե՛ առանձին ոլորտների գնահատման, թե՛ ինտեգրալ ինդեքսների օրինակներ և քննարկել, թե ինչ առավելություններ և թերություններ են առկա նրանցից յուրաքանչյուրում: Կատարված մանրակրկիտ ուսումնասիրության, ինչպես նաև հաջորդ կառուցամասերում իրականացրած հետազոտության շնորհիվ է հեղինակին հաջողվել մշակել «պետության կայացում» հասկացության համընդգրկուն սահմանում, ինչպես նաև պետության կայացածության աստիճանը հաշվարկող ինտեգրալ մոդել:

Ատենախոսության երկրորդ գլխում՝ «Ազգերի ինքնորոշման իրավունքի հիման վրա ձևավորված պետությունների կայացման խնդիրն ու կապը միջազգային ճանաչման հետ» դիտարկվում է պետության կայացածության և պետությունների միջազգային ճանաչման գործընթացների և վերջիններիս կապը կամ դրա բացակայությունը: Վերոհիշյալ կապի կամ դրա բացակայության դիտարկումն

առանցքային և միաժամանակ դժվար խնդիր է, որի ուսումնասիրության ժամանակ հեղինակը ցուցաբերել է հետաքրքիր մոտեցում՝ իրականացնելով հետազոտությունը ճիշտ ընտրված փուլային տրամաբանությամբ: Թերևս, ամենաուշագրավը պետության ճանաչման գործընթացի ներկայացումն է երկսյուն համակարգի միջոցով՝ Մոնտեվիդեոյի կոնվենցիայում ամրագրված միջազգային իրավունքի տեսանկյունից պետության իրավասուբյեկտությունը որոշող հատկանիշների և jus cogens նորմերի անխախտելիության տեսքով: Համընդգրկուն հետազոտության է ենթարկվել ազգերի ինքնորոշման իրավունքը, ինչպես նաև վերջինիս jus cogens և erga omnes իրավական կարգավիճակը: Միաժամանակ, հեղինակը ներկայացրել է Մոնտեվիդեոյի կոնվենցիայում ամրագրված չափանիշների վերլուծությունը, և ուշագրավ է հեղինակի եզրահանգումն առ այն, որ Մոնտեվիդեոյի կոնվենցիան նախանշում է այն ուղին, որը պետության հռչակումից տանում է դեպի ճանաչում: Առանձին հիշատակության է արժանի Մոնտեվիդեոյի Կոնվենցիայում ամրագրված միջազգային իրավունքի տեսանկյունից պետության իրավասուբյեկտությունը որոշող հատկանիշների դիտարկումը Արցախի և Կոսովոյի դեպքերի համար, հատկապես ներկայումս Կոսովոյի ճանաչման գործընթացի հետ զուգահեռներ անցկացնելու խոսակցությունների ակտիվացման համատեքստում:

Ատենախոսության երրորդ գլխում՝ «Պետության կառուցման առանձնահատկությունները հետկոնֆլիկտային միջավայրում», հեղինակն իրականացրել է պետության կառուցման գործընթացի ուսումնասիրությունը՝ հաշվի առնելով այն բոլոր գործոնները, որոնք ազդում են վերոնշյալ գործընթացի վրա, ինչպիսին են պատմական և կառուցվածքային ժառանգությունը, ինչպես նաև արդի գլոբալ միջավայրում պետության կառուցման պայմաններն ու մարտահրավերներն: Հեղինակը կարողացել է համակարգված ներկայացնել պետության կառուցման գործընթացը պայմանավորող հիմնական գործոնները, և հուշագրավ է յուրաքանչյուրի շրջանակներում առանցքային դերակատարների ազդեցությունը և կենտրոն-ծայրամասեր հարաբերություններն ուսումնասիրելու միտքը: տեսական



նյութը համալրված է նաև դիպուկ օրինակներով, որոնք ներկայացնում են հետևյալ ֆիլիտային պետության կառուցման գործընթացի առանձնահատկությունների և մարտահրավերների բազմաթիվ գործնական դեպքեր:

Ատենախոսության չորրորդ գլխում՝ «Ճանաչված պետությունների կայացման առանձնահատկությունները և հեռանկարները. հետխորհրդային տարածքի քառյակը» ներկայացված է տեսական և կիրառական նշանակության գիտական նորույթ: Նախ, հեղինակն առաջարկել է «պետության կայացում» սահմանումը, որը, ըստ էության, ներկայացնում է նախորդ գլուխներում ներկայացված վերլուծության արդյունքը: Առաջարկվող սահմանման հիման վրա մշակվել է պետության կայացածության գնահատման ինտեգրալ մոդել, որի միջոցով հնարավոր է դառնում իրականացնել և՛ ճանաչված, և՛ չճանաչված պետությունների կայացածության համակողմանի ուսումնասիրություն և գնահատում: Անշուշտ, գնահատելի է չճանաչված պետությունների կայացածության գնահատման հնարավորությունների ստեղծման նախաձեռնությունը, այն էլ հատկապես ճանաչված պետությունների հետ միաժամանակյա գնահատման համատեքստում: Վերջինս հատկապես կարևոր է, քանի որ այդ պետությունները, ըստ էության, ձգտում են միջազգային իրավասուբյեկտություն ձեռք բերել, այն է՝ ճանաչված պետություն դառնալ, հետևապես նախաձեռնությունը վերջիններիս դիտարկել արդեն ճանաչված պետությունների հետ կարող է բազմաթիվ հարցերի պատասխաններ տալ այդ պետությունների ճանաչման հիմքերի և հնարավորությունների մասին: Ուշադրության է արժանի նաև հեղինակի մշակած ինդեքսի մեթոդաբանությունը, որը փորձել է լուծել տարատեսակ ինդեքսներում հաճախ հանդիպող այնպիսի խնդիրներ, ինչպիսիք են վավերականության, նույնականության, թափանցիկության խնդիրները: Առանձնահատուկ ուշադրության է արժանի տվյալ աշխատանքի շրջանակներում դիտարկվող չճանաչված պետությունների՝ Արցախի, Աբխազիայի, Հարավային Օսիայի, Մերձդնեստրի, համար առանցքային, կենտրոնական խնդիրների վերհանումը: Ուշագրավ են նաև քննարկվող չճանաչված պետություններում

կայացության մակարդակի խթանման համար հեղինակի կողմից առաջարկված հնարավորությունները, որտեղ հեղինակն առաջնահերթությունը տալիս է այդ պետություններում ապրող բնակչության վիճակի բարելավմանը:

Ամփոփելով նշենք, որ ստենախոսության հեղինակ Վ. Մանուկյանը համակողմանիորեն վերլուծության է ենթարկել հետազոտության գիտական նորությամբ պայմանավորված խնդիրները՝ հասնելով ցանկալի արդյունքների: Ատենախոսության եզրակացություններում ամփոփված են հիմնական արդյունքները, ինչպես նաև կատարված են առանցքային նշանակություն ունեցող եզրահանգումներ, ընդհանրացումներ և առաջարկություններ:

Սեղմագիրը լիովին համապատասխանում է թեկնածուական ստենախոսության բովանդակությանը՝ լինելով դրա դրույթների համառոտ արտացոլումը:

Հեղինակի հրատարակած հոդվածներն ու աշխատություններն արտացոլում են թեկնածուական ստենախոսության հիմնական դրույթները, որոնք ունեն գիտագործնական նշանակություն:

Ատենախոսությունն աչքի է ընկնում գիտահետազոտական հիմնախնդիրների հիմնավորվածությամբ, սրամաքանական հետևողականությամբ և փաստարկվածությամբ, ինչպես նաև գիտահետազոտական աշխատանքի նորարարական և կիրառական բնույթով:

Կարևորելով և բարձր գնահատելով թեկնածուական ստենախոսությունը, ինչպես նաև նկատի ունենալով հետազոտության թեմայի բազմակողմանիությունը՝ ցանկանում ենք ներկայացնել հետևյալ դիտարկումները և հարցերը.

1. Միաժամանակ, հատկանշական է, որ հեղինակը հետխորհրդային տարածքի չճանաչված պետությունների գնահատման ժամանակ մեծ դեր է հատկացրել հենց քաղաքացիական հասարակության զարգացման, ինչպես նաև վերջիններիս միջազգային հանրության աջակցության շնորհիվ առանցքային խնդիրների լուծման



հնարավորություններին: Կարծում ենք առավել նպատակահարմար կլիներ, որպեսզի ատենախոսության հեղինակը դիտարկեր նաև աշխատանքի տեսական կառուցամասերում պետության կայացածության մակարդակի և քաղաքացիական հասարակության, ինչպես նաև միջազգային քաղաքացիական հասարակության կազմակերպությունների կապը փոխազդեցությունը:

2. Ադրբեջանի կողմից Արցախի դեմ սանձազերծված լայնածավալ պատերազմի պայմաններում, հարցի իրավական լուծման ի՞նչպիսի տրամաբանություն է առաջարկում հեղինակը, հատկապես, աշխատանքի երկրորդ գլխում արծարծված միջազգային ճանաչման հնարավորությունների վերլուծության և Կոսովոյի հետ համեմատության համատեքստում:

Այսուհանդերձ, կարևորելով թեկնածուական ատենախոսության գիտական նորույթները և եզրակացությունները, ցանկանում եմ նշել, որ արված դիտողություններն ամեննին չեն նսեմացնում ներկայացված ատենախոսության արժեքը:

Ելնելով վերոշարադրյալից, գտնում ենք, որ Վիոլետտա Մերգելի Մանուկյանի «Հետխորհրդային տարածքի չճանաչված պետությունների կայացման առանձնահատկություններն ու հեռանկարները» ԻԳ.00.02 - «Քաղաքական ինստիտուտներ և գործընթացներ» մասնագիտությամբ քաղաքական գիտությունների թեկնածուի գիտական աստիճանի հայցման ատենախոսությունը լիովին համապատասխանում է ՀՀ-ում գիտական աստիճանաշնորհման կանոնակարգի 7-րդ կետի պահանջներին, ատենախոսն արժանի է հայցվող գիտական աստիճանին:

**Պաշտոնական ընդդիմախոս՝  
Երևանի պետական համալսարանի միջազգային հարաբերությունների**

